

祁縣志
卷柒

藝文
卷表
藝文
卷結

敬業堂

藝文四

墓表

明

浙江副使閻睿墓表

劉

龍

尚書

予同年閻公憲副致仕餘二十年卒且葬適予給由過家山其孤師賢奉方伯郭公克諧狀自祁來請表墓於時冗迫諾而未及應也比還南都復屢書速之憲副予同鄉兩同年好友之良而厚者師賢之孝亟圖不朽予

祁縣志

卷十三

藝文

一

奚以辭公諱睿字汝思號三樂道人曾大父諱孝先大父諱棟世業農考諱威精律學由椽史任通州倉副使陞上海稅課局大使蒞官勤慎不苟取有政聲配呂氏生公三歲失恃幼不好弄性敏善屬對其師毛生嘗出句覘之曰小水難成海卽應聲曰織鱗解化龍聞者知其爲遠器稍長受業於上海盧教諭通禮經旁及諸書作文有奇語上海令召而試之謂稅課局曰子雖末秩有是子奚啻滿載尋以外艱服闋補邑庠增廣生大爲憲學所與領弘治乙卯鄉薦登己未進士授永清令邑

素號難治至者輒免去公誠信結民惠愛爲政聽訟不
施鞭朴自得其情爲剖處適平悅服而去學校傾圮鳩
材修葺作講堂饌堂集諸生討肄給以薪米時自考其
進退士爭奮勵邑爲有才歲辛酉大蝗公召民捕之以
倉粟準其獲積蝗數千石隣境多飢邑不爲害撫臣上
其事賜銀幣勞之邑有壽府莊田地多沒於水民困
於徵公履勘蠲其租若干牧馬草場多爲皇莊兼併公
清理復故地百餘頃霸州嘗缺守其民欲得公牧邑人
恐爲所奪各以狀上巡撫都御史洪公宣之洪笑曰此

祁縣志

卷十二

藝文

二

官旦夕擢風憲爾曹胡以守令爭哉考績封稅課如其
官母呂孺人旣被召老幼遮泣車不可進解其履挂邑
門正德辛未流賊突入晉境至祁民悉驚竄賊渠蓋永
人戒其黨曰是吾侯故里也母敢犯相率拜廳畢繫馬
數匹而去巡撫李公乾夫嘗寄公詩有暴客感恩曾繫
馬小民懷德願留靴之句初授陝西道御史卽風裁著
聞奉璽書查盤甘肅諸鎮芻糧類多折閱典守者皆鬻
子償有殞生者公爲治包攬清兌給程浥爛疏其狀釋
六十餘人暮經祁連山宿山下郵舍夜聞金鼓聲起視

無他大雪被地左右曰是爲敵衝宜急渡之路險而滑
非雪不濟山後有霍將軍廟其神之祥與公過而拜之
咸以爲異再按陝時逆瑾擅權大開賂門凡公出者歸
必厚遺否則中傷之公曰吾求自免民何辜禍福命也
奈何真鐻之亂實遊擊仇鉞所定總兵官曹雄爲瑾親
欲攘其功公上疏別白其狀瑾怒遣錦衣假他事逮之
未及而瑾敗公獲免陞浙江按察司副使巡視海道初
瑾革是官倭夷數入寇豪民泛海通番邊境不寧公至
治戰艦厲士卒嚴禁令海道肅清甲戌考察當事者與

祁縣志

卷十三

藝文

三

公隙署以久病報罷公適在海上從者馳白欲公爲歸
計叱曰功名自有定分吾平生清苦可質鬼神顧以去
官盡棄耶卽日還省篋中惟案牘而已時論囂然稱惜
家居以圖書自玩或野服芒鞋徜徉林壑又號晉郊耕
叟親族不能婚者輒爲周濟友人廣昌令王佑卒貧不
能葬公曰是固在我厚爲殯之嘉靖丁亥遇恩詔進階
從三品易簀時訓諸子曰吾以清白遺爾等第勤儉持
家不廢耕讀吾死且瞑目賦詩一章正襟而逝實十一
年正月四日也距其生天順五年五月五日壽七十有

二配劉氏封孺人克修內職子男五師善早卒師賢庠
生師良師文師德庠生孫男十紹芳繼芳繩芳聯芳緝
芳纘芳錦芳俱庠生維芳縵芳繹芳曾孫男五講論諮
談誦女二長適判官郝廷佐次適儒官許登仕孫女二
一適庠生馬雲衢一尚幼曾孫女五於乎天道以禍福
設教載之經傳世俗或未之信以爲不盡然者不知君
子道其常而畧其變變則有不盡然常則卒無不然故
曰人定勝天天定亦能勝人理也以公之才砥礪名節
迥出時流而用則未究自世俗觀之爲善者怠矣然優
游晚齡眉壽踰七子孫之盛承家接武亶亶方興天之
福善果爲不爽彼此乘除間有遲速要之不出範圍未
可以淺近窺也豈特憲副然哉書以表之

長安知縣閻繩芳墓表

殷士詹少保

於乎是爲故長安令閻公之墓公諱繩芳字世武漫川
其別號云世居晉之祁其上世詳於家乘曾大父威仕
上海稅課大使以子睿 封文林郎永清知縣睿公大
父也舉弘治己未進士拜監察御史當 武廟時以抗
直稱仕至浙江按察副使進階亞中大夫父師賢爲文

學弟子員母陳氏太谷人憲副璧女以正德乙亥四月
十八日生公幼挺殊特不與常兒羣端凝靜默亞中公
愛之每出携以自娛間試屬對輒應如響時出奇警亞
中公愈益喜嘗曰吾宦橐無可貽者賴有此足慰人意
卽飲水甘矣羈邕遊黌校有聲每試取高等舉嘉靖癸
卯鄉試登丁未進士觀工部政謹恪有恒度卽爲大司
空文公所知長安爲三秦省會賦重役繁富俠以吏爲
奸以詭倖免獨苦細民長吏故難其選銓曹廉公才特
授是邑公下車問民所疾苦徐得其情首案大猾吏數

祁縣志

卷十二

藝文

五

輩核戶口丁田度其盈縮而差次之約爲章程擇爲害
吏主其籍出納纖渺具有可覆定徭役高下心計手校
不以他假賦之各當其力民大稱平富民某夤緣重賂
規輕徭公怒曰敝吾民者若曹也必抵其罪而重之役
巨璫有弟坐法當死行當事者金移鞠於公覲從未減
卒論如法終南豪族奪民腴產而遺其稅公取歸其主
繇是失業者皆復常奉檄董治棘闡諸役綜計精覈費
捐往之半其治邑疆察敏幹率稱是蒞法無所撓諸宗
藩豪右斂跡避之請謁不敢及其門治行大著部使者

交上其狀行當徵拜矣會監司於臺使有郤疑公中之
同列者多忌公遂致萋菲適庚戌大計竟坐是解職識
者咸爲扼腕相與唁公公第遜謝不敏畧不致辨策蹇
歸故廬杜門却掃左圖右書吟弄以自適邑故多長者
要結爲社佳辰輒選勝登臨觴咏竟日殊忘今昔之感
焉公幼有至性內行純白孝友孚於倫內人無間言侍
親疾衣不解帶者踰月鬚髮幾白子弟從之遊時探奇
挾奧皆虛往實歸與人交無少長必用其情親仁樂施
急人之難如不及里中有紛結不解者取公片言立斷

祁縣志

卷十三

藝文

六

各首服去故閭黨咸樂公謂公弗久試天固以篤桑梓
矣乃甲子閏二月三日以未疾卒於家享年甫五十明
年二月十七日諸孤營葬邑東會善之陽所著有禮經
通旨詩學體要盤谷藏稿燬於火予昔與公俱以禮經
舉會試爲同門友是時同經士蓋二十有一人雖仕淹
速弗齊亦各盡其器獨公一試爲令未三載輒用方潔
見忌遂淪落不起所抱者不酌一退乃僅以善其鄉閭
足自徵信然竟沒不顯往聞公訃予實重悲之今年公
仲子談以選貢入京師持山東布政使前太史同年亢

公思謙所撰公誌銘謁予請表其墓道之石予既重有感于公也乃今墓草宿矣忍令泯泯無傳邪遂按志叙之公配武氏庠生廷璋女敵德惟偕有丈夫子三諮談誥諮國子生娶張氏典膳冲霄女談選貢領京圍鄉薦娶程氏貢生天喜女誥娶許氏知州鴻程女三子并彬彬隱起翼儀可占然則公篤於實薄于名豐於才嗇于時天之祚公其殆有意于斯夫其殆有意于斯夫

經歷李恕墓表

馬雲雷 邑人

貞軒公仙遊六年後堂弟登進士官拜行人司行人今

祁縣志

卷十三

藝文

七

轉右司副感公教澤惜公葬時缺志乃率公子若孫持狀謁余表其墓公於余爲業師義不容辭按狀公諱恕字宗貫號貞軒其先世爲隴西人唐末宦遊太原遂家焉國初有祖諱繼先者遷於祁生祖彬彬生祖有道有道生祖鳳鳳生祖子瞻配溫氏繼邢氏溫生公父邢生叔五人公父諱銘字德新號月坡配楊氏耀州同知綱女是爲公之母龍山公五叔子也月坡翁精舉子業蒙養後學多爲世用性好施予人有借貸不責償生公六七歲卽穎異人以爲善積之報公率父訓髫年遊芹泮

每試輒冠多士性慈惠胸襟廣達好成人之美邑庠弟子多出其門或遇他館諸生亦與講說經史遇鄉人亦諭以孝弟忠信人有犯不較得意不充詘月坡翁施予過多財或匱未嘗介意廩食有贏不吝周急口不言人過無疾言厲色人皆嚴憚以時義擅名尤長於古作且工盡十科不偶竟入太學抱藝蘊才之士見公皆爲歛衽大司徒汶上王公聞其名懇大司成延宦塾俾淑諸子謁選除長安丞人多惜之長安附郭供億繁瑣常缺令公攝逐侵暴抗冗索當道有惜民財如已財之獎行

祁縣志

卷十三

藝文

八

途輒剖數事人服其敏汧陽王府兄弟爭財七年不決公曉諭遂成讓德儀賓蕭廷祿搶糧搥及府佐付公訊而宗儀凜凜永壽王府與太常寺劉卿爭房基詞連三載累死府伴咸寧尹往按其事宗人以穢辱劉卿旁及咸尹尹馳馬走撫堂改委公宗人服公素行事始平民人劉景胡等千餘困於徭役逃亡地土得公蘇而還張登高等誣陷大辟公與辨釋至與賑貧民周繼昌等不計也修壩橋修貢院修東關城不枉一力不妄一錢署商州及三水縣淳化縣山陽縣所在有去思宗藩祿米

衛軍衣糧得公放而悅其他善政壘壘監司重之時方尚通公守正銓曹量移公護衛經歷出長安之日老穉擁行哭聲震地自晨至晡不能去二三程外猶有扳號者公至韓藩未幾卽卸政還里人方謂公種福積德壽可百年乃七十有四而終終之日爲嘉靖四十一年七月初一日也訃聞遠邇痛悼配段氏裕有淑德先公八年卒繼配張氏子男二長自省配張氏儒官文重女繼蘭氏次自全配胡氏繼孔氏女三一適王之屏一適許直一適申思孝自省男二道規配孟氏道矩夭折女二

祁縣志

卷十二

藝文

九

一適文水縣郟經歷孫瑤一適余孫之秦自全男五道準配溫氏大興縣尹溫尚武女道法配馬氏余侄庠生元女道傳配閻氏進士漫川男庠生諮女道溥配范氏道高尚幼女一適賈愷道規男二與郭配閻氏與朱配原氏庠生道祖女繼范氏道準一子一女道法一子與郭一子俱幼於乎公博學不幸而嗇於科第公鴻才不幸而滯於資格使得志行道則格君澤民移風易俗的有大可紀者乃戢翼弗張良可惜已雖然劔埋浮彩蘭萎存香有不隨死而亡者愧余謏陋無能表公萬一他

日發幽潛悉盛美以垂永世當必有名筆焉謹書以俟

贈行人司司副李鑰墓表

王家屏

修撰

贈行人司右司副啟菴李公余同年憲之父也憲自登進士官行人轉右司副蓋時時追慟其親每語余曰憲甫髻受書先君尚記先君夜然膏課讀時家貧膏不繼燎薪代之也稍長遣從先伯兄學伯兄居先君恐憲不能離遠則更日一至邑中以爲常先君卒先母韓承先君志懼憲廢學至躬績紕以資憲費不足卽脫簪珥無難焉以先父母之恩勤庶幾食報一旦竟弗逮以死

祁縣志

卷十二

藝文

十

傷哉語畢泣數行下余深悲憐之會上登極覃慶得贈父如其官母爲孺人因奉使過家乃載冊書告墓已益治封樹周以繚垣前豎綽楔中建詞亭徵余詞表諸遂道余旣君同年又其孝思有足述者則不敢辭按公諱鑰字德握別號啟菴其先隴西人唐末有宦太原不返留居東崗者洪武初諱繼先者自東崗遷祁遂爲祁人繼先傳三世生鳳凰生子瞻娶溫氏繼邢氏生六子長銘次鎧次錠次贈公次錫次欽公爲人質直無他嗜好少居城中出見紛華心厭之曰丈夫不自苦筋力安能

飾衣履從市兒游乎則去田城趙城趙者趙簡子故里其地僻甚公往旦夕操畚鍤作勞田間人罕識其面者歲以所穫輸父母父母喜謂諸子中獨季子治生力也公雖業農未嘗沾沾效儒生然少間卽涉書史以自娛其居處言動壹遵古人而內行尤篤事父母出入必告曰古人有事必告天吾有事必告父母父母與天一也居兄弟間曲盡友愛以兄銘出前母事之倍恭始田城趙旁近有失業田數頃爲衆所據族人謀奪之則陰諷公曰彼貿貿來田者皆無所受券宜及其未定取之多

則可併寡則可分也公厲聲曰彼利人之亡而有其田不義已甚從而爭之則我與若奚間也吾寧拾穗而食不忍受不義名言者乃止甲午歲饑公家廩僅僅自給顧時出粟以周餓者或設糜粥食之里中李時奈等十餘人餓且死咸賴公得活配孺人武氏韓氏並有淑德武所遺女韓拊之一如已出資嫁甚厚公旣任義好施孺人益佐之以慈惠故貲稍裕輒盡人或勸公孺人居積公孺人指司副君謂曰有兒如是積善以貽之顧不昌邪竟如其願云公卒嘉靖庚子九月初七日距生成

化丙午三月二十九日年五十有五韓孺人卒嘉靖壬
于三月十六日距生弘治己未正月十七日年五十有
四子一熹卽司副君娶王氏贈孺人繼董氏又繼呂氏
封孺人女一適趙時隆卽武所出孫男一自知庠生娶
武氏孫女一適庠生馬化麟史家屏氏曰世俗熙熙交
驚於利卽寸畛尺域必爭訟或彌年不休也富有貲者
乘人之急而收倍息實不能徒假人一錢以公族之衆
視反侵地若索諸寄耳而義不苟取至其拯困救乏則
不啻自七箸間節之非心誠仁愛敦行善者乎蓋司副

祁縣志

卷十三

藝文

十二

君旣貴乃知天之所以報施善人者不虛雖不逮祿養
其榮名無窮矣余特論次其畧令後之考德者有所觀
覽焉

孝廉馬雲駟墓表

王惟敘

廣川

晉陽之南有孝廉曰孺眉馬公以行誼文章重於天下
者垂四十年余獨未得交歲丙戌余承命來尹於徐則
去公居里僅咫尺亦未獲走一价以通聲氣於公戊子春
公子而龍持所業來謁談語移日因益悉公行事方欲
與公期會於廬未幾而公歿矣余嘆哲人之云亡悲吾

道之無輔爲之震悼數日又踰年而龍爲公卜藏旣成自奉公狀來請余言以表其墓余愧謝不敏顧念知己之託誼未可辭也不得已乃爲之表謹按公諱雲駟字是宇別號孺眉龍門之裔也洪武初有祖名千者自夏還於祁十傳而至公始以儒顯公生而穎邁日記萬言作爲文辭汪洋灑肆與古大家上下年十二補弟子員十八食餼二十一乙卯舉於鄉以詩經魁本房爲人天性孝友豁達豪爽尚俠任義輕財好施直諒而方介事其父應昌公日必三問靡間朝夕執親之喪哀毀踰情

祁縣志

卷十三

藝文

十三

與兄雲駿友愛篤至庭無間言其治家嚴而有禮閨門之內肅若朝廷其交友也信而不欺然諾必踐急人之危雖千金而不吝平生解紛難振孤窮恤死喪濟困厄蓋遠近沐施者若而家其胸中洞達無城府不邇聲伎不媚勢要不畏強禦不侮鰥寡慷慨悲歌毅然有身任天下之志十二上公車不第侍御陳澹元中丞蔡雲怡督臣馬擎宇巡方黃慎菴俱前後交章薦其賢終不就仕山居田隱惟以詩酒自娛古玩名書充積几案客有過者必留飲竟日極醉始罷四方之人知與不知莫不

以公輔期之故一時名公巨卿無不求友於公公雖與之遊未嘗一事輕干權貴之門其視爵祿榮寵聲色貨利澹然無所慕也晚年習導引之術常曰吾大限應在河圖五十五戊子夏忽邁小瘡寢疾數日而逝嗚呼若公者可謂善全其德者矣說者謂亡明之季士大夫習爲狐媚脂韋之行以誤其國使公得用於時充其剛方正直之氣以砥柱於狂流頽波之衝其功業必有可觀然竟以艱於一第不獲少展其才徒使窮老山林芬其行於詩文杯酒之間齋志以沒豈非斯世之不幸哉故

祁縣志

卷十三

藝文

十四

君子不惜公之死而惜公之不用蓋悲其遇也公隆顛豐頤量洪善飲聲若巨鍾望而知爲偉人生於萬歷二十二年甲午十一月十一日卒於順治五年戊子閏四月初七日享年五十有五其曾祖諱進有隱德祖諱天徹席豐樂善蟬化於楚之武當山父諱應昌好詩書積多懿行兄雲駿爲國子生以文知名子而龍卽金門士也恩拔貢生文章名冠山右其豁達豪爽酷類其父孫振世垂髻入類凡公之家世行事具詳於誌余不具載特表其大者以告於世如此公居於祁之高村里邑東

